

Төдүсүндэн чү эккі?

(орус үлегер)

Бир хүрээ иьштіндэ һөөшкэ біле ыът черлеп чыътқаннар. Оларың бір қада мельчечи бергеннэр, дэлеһейдэ төдүсүндэн чү эккі эмиш дэп. һөөшкэ:

– Тодүсүндэн эккі сүт бле мырнеэшқа! – дээн.

Ыът:

– Чоқ! Төдүсүндэн сооқ эккі! – дээн.

Мельчешкен, мельчешкен, эр таққыняққа барғаннар. Келгеш, эйттырадырылар:

– Эр таққыняқ! Соодап бернэм биске, дэлеһейдэ төдүсүндэн чү эккі чиме?

Эр таққыняқ дэйідірі:

– Дэлеһейдэ төдүсүндэн овёот бле хүрүппәэ эккі!

Ыньчаарда һөөшкэ бле ыът эр өьшкүдэн эйттыраалы дэп чорааннар. Оларың эр өьшкәә келгеш, эйттырадырылар:

– Эр өьшкү! Соодап бернэм биске, дэлеһейдэ төдүсүндэн чү эккі эмиш?

Эр өьшкү дэйідірі:

– Дэлеһейдэ төдүсүндэн эккі чеш көк! Ол ындығ амтаннығ!

Ыньчаарда һөөшкэ бле ыът дэлеһейдэ төдүсүндэн чү эккі эмиш дэп эйттырыын чарып болбааннар.